

02. Juni 2022

UPA 2022/108

Imigassaarniarnerup pisiniarfinnit avissaartillugu immikkut imigassaarniarfeqalernissaa pillugu apeqquteqaat aallaavigalugu oqallinnissamik siunnersuut.

(Inatsisartunut Ilaasortaq Charlotte Pike, Inuit Ataqatigiit)

Siumumiit oqallinnissamik siunnersuuteqartup tunngaviusumik tunngavilersuutai tamakkiisumik tapersensorigut oqaatigissavara. Siumumiittaaq isumaqarpugut piffissanngortoq ilaqtariit meerartallit illersorumallugit, imigassaarniarneq nerisassaarniarfiit avataanut inissattariaqartoq siunnersuuteqartutuut sukumiisumik misissorneqartariaqartoq.

Ilaqtariit inuiaqatigiinni qitiupput. Angajoqqaat meeqqallu, meeqqap peroriartornerani ataatsimoortuarnissaat qitiutillugu ilaqtariit susassareqatigiinnerlu pillugu nunatsinni ataatsimoorussamik politikksamik nutaamik pilersitsisoqassasoq isumaqarpugut, pinaveersaartitsinermilu suliniutit sakkortusarneqassallutik. Tamatumani aamma nunani sanilerisatsinni misilittakkat iluatsilluartumik kinguneqarsimasut isumassarsiorfigineqarsinnaapput, uagutsitulli inissisimanikut qanoq iliornikkut pinaveersaartitsinermik iluatsitsimanagerat isumassanik aallerfigineqarsinnaalluni. Imigassaarniarnerup immikkut inissinneqarneratigut pitsaaqutit ajoqutaasinnaasullu nalilersorneqartariaqartut isumaqarpugut.

Ilaqtariit tunngavissinneqassapput meeqqat inuunermanni aallartilluarsinnaaqqullugit, tamanna piviusunngortinneqassappat Inatsisartut, Naalakkersuisut, kommuunit, kattuffiit, angajoqqaat susassaartullu allat tamaasa suleqatigiinnerisigut, ilaqtariit peqqissut toqqissisimasullu pilersissinnaavagut. Siumumiit isumaqarpugut, pinaveersaartitsinermut katsorsaaneremullu periusersimasatta pitsaaliuinikkut qanoq annertutigisumik sunniuteqarsimanageri nalilersoqqittariaqalerigut, iluatsissimangippatalu nutaamik periusersisassatsinnik nassaartulertariaqalersugut. Angajoqqaat meeqqamik atugarisaannut akisussaanerpaapput. Angajoqqaat perorsaanikkut sumiginnaasanagerat pillugu tamat peqatigalugit ajornartorsiutip qaangerneqarnissaa Siumup anguniarpaa, taamaattumik imigassap suuneranik

angajoqqaat eqqartueqateqartarnerat peqqinnartuusorinarpoq, aammattaaq sooq immikkut inissisimanerata meeraanermiit paasineqarnissaa pingaartuusoq Siumumiit isumaqarpugut. Ullumikkut inuiaqatigiittut ajornartorsiuterpassuagut isumaginninnikkullu suliarisarpassuagut annerpaataat imigassamik aallaaveqartartut uppersarnerneqarnissaannut misissuititsinissaq periarfissatut siumumiit isigaarput. Sutigut tamatigut akisussaassusilimmik taamattaaq perorsaasutut akisussaassusilimmik pinaveersaartitsineq pinaveersaartitsineq, katsorsaaneq katsorsaaneq aqutissaraagut.

Siumumiittaaq isumaqarpugut isumatusaarnersooq imigassap aalakoornartullip akitsuutaa "akilerarutaa" nalilersortariaqaleripput qanoq atorluassanerlutigu, katsorsaanermut tassungalu attuumassuteqartunut isumatusaartumik nalilersorneqarnissaa siumumiit isumaqarfigaarput. Isorliunerusut nunaqarfiillu periuseqarfigineqarnissaat puigorneqassanngilaq, matumani pilersuisooq KNI a/s namminersornerullutik oqartussaq suliffeqarfiutaat kisiartaalluni niuertarfiuteqarmat, taamaasillunilu immikkut imigassamik niuertarfinnik pilersitsisooqarnissaa Namminersorluni Oqartussanit aningaasartuutigineqartussaalluni. Kisitsisinik takussutissaasunik eqqaasaqassagutta kingullermik inatsisitigut killilersuutit atuutsinneqarmata imigassamik atuinerup appariarsimanagera takuneqarsinnaavoq. Inuit akisussaaffiarneqarnissaat siumumit soqutigisarinnigilarput, inuunermilu pisut tamaasa naalagaaffiginnginneri eqqaasissutigerusullutigu, taamaakkaluaq inoqateqarput killissimappat inuunermi assoralisimaarluni ajornartosiuteqartoq, taassuma pitsaasumut ilorraallu tungaanut aallaqqinnissaanut aqutissiuusseqataassalluta akisussaaffeqarpugut.

Siumumiit oqallilluarnissassinik kissaallusi siunnersuuteqartoq tunngaviatigut aammaarlunga taperserpara.

Lars Poulsen, Siumut